



ПОСТАНОВЛЕНИЕ

хокима

города Ферганы

Q A R O R I

2018 yil "14" mart № 333

Farg'ona shahri

Шаҳарда ижара муносабатларини тартибга солиш ҳамда 2018 йилда давлат кўчмас мулклари учун қўлланиладиган ижара ҳақининг ягона энг кам ставкаларини тасдиқлаш тўғрисида.

Ўзбекистон Республикаси Вазирлар Маҳкамасининг 2009 йил 8 апрелдаги «Давлат мулкни ижарага бериш тартибини такомиллаштириш чора-тадбирлари тўғрисида»ги 102-сонли қарорига (Ўзбекистон Республикаси Қонун ҳужжатлари йўналими, 2009 й, 15-сон, 186-модда) мувофиқ Ўзбекистон Республикаси Давлат Рақобат қўмитаси, молия ва иқтисодиёт вазирликлари томонидан 2018 йил 23 январ куни ўзаро келишилган ҳолда тасдиқланган 2018 йил учун давлат кўчмас мулкдан фойдаланганлик учун ижара тўловининг энг кам ставкаларини ҳамда шу хусусидаги Давлат Рақобат қўмитасининг 2018 йил 23 январдаги 50/01-17-сонли хати вилоят ҳокимининг 2018 йил 15 мартдаги 133-сонли қарори ижросини таъминлаш мақсадида,

ҚАРОР ҚИЛАМАН:

- Ўзбекистон Республикаси Вазирлар Маҳкамасининг 2009 йил 8 апрелдаги «Давлат мулкни ижарага бериш тартибини такомиллаштириш чора-тадбирлари тўғрисида»ги 102-сонли қарорига мувофиқ Ўзбекистон Республикаси Давлат Рақобат қўмитаси, Молия ва Иқтисодиёт вазирликлари томонидан 2018 йил 23 январ куни ўзаро келишилган ҳолда тасдиқланган 2018 йил учун давлат кўчмас мулкдан фойдаланганлик учун ижара тўловининг энг кам ставкаларини ҳамда шу хусусидаги Давлат Рақобат қўмитасининг 2018 йил 23 январдаги 50/01-17-сонли хати, вилоят ҳокимининг 2018 йил 15 мартдаги 133-сонли қарори амалда фойдаланиш учун қабул қилинсин.
- Фаолият турларига нисбатан давлат мулкidan фойдаланганлик учун белгиланган ижара ҳақининг энг кам ставкалари 1-иловага мунофиқ тасдиқлансин.
- Вилоят «Давлат мулкни ижарага бериш маркази» давлат унитар корхонасига мазкур иловада кўрсатилган ягона энг кам миқдордаги ижара ставкаларидан ижара ҳақининг шартнома киймати белгиланган таянч ставка сифатида фойдаланиши маълумот учун қабул қилинсин.
- Давлат кўчмас мулкidan фойдаланганлик учун ижара тўловининг энг

кам ставкаларига қўлланиладиган оширувчи коэффициентлар 2-иловага мувофиқ тасдиқлансин.

4. Ўзбекистон Республикаси Вазирлар Маҳкамасининг 2009 йил 8 апрелдаги «Давлат мулкни ижарага бериш тартибини такомиллаштириш чора-тадбирлари тўғрисида»ги 102-сонли қарорининг 3-1-бандига асосан, давлат мулки бўлган бинолар ва хоналарда жойлашган бюджет ташкилотлари учун ижара тўловининг ноль ставкаси белгилансин.

5. Шаҳар Молия бўлими (А.Ғаниев), Халқ таълими бўлими, касб-хунар коллежлари, Тиббиёт бирлашмаси, Давлат Солиқ инспекцияси (А.Ботиралиев), ўз тизимлари ва худудларидаги фойдаланилмаётган, бўш турган нотуғар давлат мулкни вилоят «Давлат мулкни ижарага бериш маркази» ДУК билан биргаликда хатловдан ўтказиб борсин ҳамда ижарага берилган мулкларни доимий мониторингини юритсин.

Белгилаб қўйилсинки, балансда сакловчиларнинг мансабдор шахслари ўз тасарруфларида бўлган фойдаланилмаётган ҳамда ижарага берилмаётган давлат мулки тўғрисидаги маълумотларни вилоят «Давлат мулкни ижарага бериш маркази» давлат унитар корхонасига ўз вақтида, тўлиқ ва ишончли берилиши учун шахсан жавобгардирлар.

6. Ўзбекистон Республикаси Вазирлар Маҳкамасининг 2017 йил 25 августдаги 672-сонли қарорига асосан, Фарғона вилоятининг туман ва шаҳарлари ҳокимларига «Давлат мулкни ижарага бериш маркази» ДУК билан биргаликда тадбиркорлик фаолиятини юритиш учун республика давлат бошқарув органларига бириктириб берилган туман (шаҳар) худудида жойлашган фойдаланилмаётган давлат мулки объектларини (майдонларни), тегишли туман (шаҳар) ҳокимининг мурожаатидан сўнг икки ой муддатда балансда сакловчилар томонидан уларни ижарага бериш таъминланмаган тақдирда, истисно тариқасида, бир йилгача бўлган муддатга ижарага бериш тўғрисида қарор қабул қилиш ҳуқуқи берилганлиги, бунда қонун ҳужжатларида белгиланган тартибда балансда сакловчиларга ажратмалар тегишли туман (шаҳар) бюджетига йўналтирилиши белгиланганлиги маълумот ва ижро учун қабул қилинсин.

7. Вилоят «Давлат мулкни ижарага бериш маркази» ДУК (Боратов) шаҳар ва туманлар ҳокимлари билан, биргаликда Ўзбекистон Республикаси Вазирлар Маҳкамасининг 2017 йил 25 августдаги 672-сонли қарорига асосан шаҳар ва туманлар ҳокимларига фойдаланилмаётган давлат мулки объектларини (майдонларни) ижарага бериш бўйича берилган ҳуқуқлардан амалда фойдаланилишини таъминлаш белгиланганлиги маълумот ва ижро учун қабул қилинсин.

8. Вилоят «Давлат мулкни ижарага бериш маркази» давлат унитар корхонаси (Боратов)га хатлов натижасида аниқланган фойдаланилмаётган, бўш турган давлат мулкни белгиланган тартибда тадбиркорлик субъектларига ижарага бериш ишларини жадаллаштириш;

ижарага берилган давлат мулки тўғрисидаги ҳисобот маълумотларини ҳар ой якуни билан вилоят ҳокимлигига, ҳар чоракда ҳисобот чорагидан кейинги

ойнинг 10 кунигача тегишли равишда вилоят Молия бошқармасига ва Давлат ракобат бошқармасига тақдим этиб бориш;

ижарага берилган давлат мулклари ҳисобидан ижара тўловларини ўз вақтида ундириш юзасидан қонунчиликда белгиланган тартибда чоралар қўришга ҳамда тўловларни ундирилишига маъсул эканлиги белгилаб қўйилганлиги маълумот учун қабул қилинсин.

9. Молия бўлими (А.Ғаниев) вилоят "Давлат мулкни ижарага бериш маркази" давлат унитар корхонаси (Боратов) билан биргаликда давлат мулки объектларини ижарага бериш ҳисобига маҳаллий бюджетга тушадиган маблағларни назоратга олсин ҳамда тушган маблағлардан мақсадли фойдаланилишини таъминласин.

10. "Фарғона тонги" газетаси (А.Орипов), шаҳар ҳокимлиги АКТ бўйича маъсул ходими (Н.Нурматов)га мазкур қарорни расмий эълон қилиш ва шаҳар ҳокимлигининг расмий веб-сайтига жойлаштириш вазифалари юклатилсин.

11. Мазкур қарорнинг бажарилишини назорат қилиш шаҳар ҳокимининг биринчи ўринбосари в.в.б Б.Тоштемиров зиммасига юклансин.

Шаҳар ҳокими

Ш.Эргабоев

